



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De eadem re. Ixvii.

urn:nbn:de:hbz:466:1-10722

D. BVRCHARDI EPIS. VVORMAC.

De eadem re. Cap. LXVII.

Ex canone apostolorum.

Omnes fideles qui conueniunt in solennibus sacris Ecclesiam, & scripturas apostolorum & Euangelium audiunt, non autem perseverant in oratione usque dum Missa peragatur, nec sanctam communionem percipiunt velut inquietudines Ecclesiae commouentes, conuenit communione priuari.

De eadem re. Cap. LXVIII.

Vnde sunt pra.

Omnes Christiani qui ingrediuntur Ecclesiam Dei, scripturas sacras audiunt, neque communicant oratione cum populo, sed pro quadam intemperantia à perceptione sanctæ communionis auertunt, hi de Ecclesia remoueantur, donec per confessionem pœnitenti fructus ostendant.

De precibus post allocutionem. Cap. LXIX.

Ex cōcil. Laodicēsi cap. 19.

QUOD oporteat seorsum primū post allocutiones episcoporum, vel presbyterorum orationem super cathecumenos celebrari, & postquam caschumeni egressi fuerint, super eos qui sunt in pœnitenti preces fieri His etiam accendentibus ad manum sacerdotum & discedentibus, tres orationes consuminari fidelium, ut prima quidem sub silentio, secunda vero & tertia per exclamaciones solitas expleant.

Vt omnis presbyter in diebus festis populum admittat, quas preces ad Deum fundere debeat.

Cap. LXX.

Ex cōcil. Aurelii cap. 3.

Oportet ut in diebus dominicis vel festis, post sermonem intra Missarum solenia habitum ad plebem, sacerdos admoneat, ut iuxta apostolicam institutionem, orationem omnes in commune pro diuersis necessitatibus fundant ad dominum, pro rege & episcopo eorum, & rectori bus Ecclesiarū, pro pace, pro peste, pro infirmis qui in ipsa parochia lecto decumbunt, pro nuper defunctis, in quibus sigillatim precibus plebs orationem dominicam sub silentio dicat. Sacerdos vero orationes ad hoc pertinentes per singulas admonitiones solenniter expleat. Post hanc facieletur oblatio. Ait enim Apostolus: Obsecro, primū omnium fieri orationes, obsecrations, gratiarum actiones, & cætera.